

中華文史叢書之五十四
清、光緒三十二年石印本影印
王有立主編

國朝事略

(全)

金陵
編譯官書局
編

華文書局股份有限公司印行

序

答龍門世史綸尚書左傳國策之遺故筆墨奧妙如河漢之
班氏國之惟漢書甘筆力不足步武范蔚宗即下則通鑑矣論
者咎為文重隨在而變故出誠是也然欲觀一代之典章未得
不讀世史豈可以區區文庫論得失哉況史賢就時勢而立言如
泥古而不通今亦非至當哉

朝

駉駉相承重典實洽風化同乎三代治蹟譔於唐虞三百餘年
討謏韻嘒偉績殊勲載在

國史艸野之士多未週知而私家著述尤最者惟魏默深之神
志記李汝清之先正事略足稱傑出然魏則偏於武功李則僅
紀臣工之事非全史大概也適幸白本外增田貢著清史攬要
一書係倣經目編幸切固善矣惜多訛誤乖謬不足據為信史
於是本局同編輯

國朝事略六卷以為教科之用書成經緯攷冊太史鑑定由署
督憲周咨送

學部立案即付本局印以告諸世抑西國史漢本分四大端曰
上古曰羅馬曰近古曰現時現時者皆言十八元聖紀事西
儒訓蒙讀史多從現時而近古反溯而上誠以現時事略為最
急切有裨耳目才今裁
國百度維新主庶咸知嚮學即普通教育不宜以現時事略
為尚俾先知
本朝掌故而後更進其漸漸涉二十四史堂奧徐追史漢而
人班馬之室成史學專家鼎此書先導之功豈非淺鮮
區文字曾阿正云

光緒丙午秋八月既望侯官陳季同謹序



國朝事畧目錄

卷一

大清開國

伐明拓地

三次伐明

定鼎燕京

平前三藩

順治聖政

卷二

康熙聖政

平後三藩

平定臺灣

綏服蒙古

雍正聖政

兩征兀魯特

改土歸流

卷三

乾隆聖政

蕩平準部

綏定回疆

平大小金川

征廓爾喀及緬甸越南

再平臺灣

國朝事略卷一

第一篇

第一章 大清開國

我朝發祥於長白山山高二百餘里綿亘千餘里山之東有布庫里山山下有池曰布爾里湖

始祖以愛新覺羅為姓名布庫里雍順定三姓之亂居長白山東俄漢惠之野俄朵里城在寧古塔里西國號滿洲是為開基之始數傳至

肇祖遷於俄朵里城西千五百里卜居呼蘭哈達山下之赫圖阿拉今之興京是也

肇祖四世孫為

興祖經

景祖

顯祖二世而至

太祖

高宗純皇帝諭云金之先出靺鞨部為古肅慎地我朝肇興之時舊都稱

滿珠所屬曰珠申後漢字相沿訛為滿洲實即古之肅慎轉音為申珠又曰

我朝姓愛新覺羅氏國語稱金曰愛新為金清同派之證云

魏源聖武記曰自

祖生年逆溯肇祖當在明正統景泰年間發祥長白之始祖當在遼金末造

太祖高皇帝

顯祖長子也明世宗嘉靖三十八年生長有武略國人稱聰睿貝勒當時諸

國紛亂滿洲別有蘇克素護河渾河完顏棟鄂哲陳五部長白山有訥殷鴨

綠二部是為明建州衛之地東海三部曰窩集瓦爾哈庫爾哈即野人衛之

地呼倫國四部曰葉赫哈達輝發烏拉當滿洲之北即明海西衛之地皆因

其地之河得名烏拉輝發二河入松花江哈達葉赫入遼河海西衛又分南

北二關哈達為南關葉赫為北關以上諸國皆為金朝部落之遺城郭猶存

土著射獵之國非蒙古行國比也

太祖年二十五當明神宗萬曆十一年起兵討尼堪外蘭為

景顯二祖復讎初尼堪外蘭在蘇克素護河部之圖倫陰誘明將李成梁攻

沙濟城乘勢圍古勒城城主阿太章京之妻景祖長子禮敦巴圖魯之女

太祖從姊也

景祖與

顯祖率援軍入城尼堪外蘭給城民殺其主而降併害

二祖是年五月

太祖舉兵攻外蘭於圖倫外蘭倉皇遁入嘉班再攻之遠遁築城於鄂勒琿
中隔諸部

太祖因先攻近部十二月攻棟鄂部之翁鄂洛城十三年攻渾河部之界藩
城棟嘉城薩爾湖城十四年攻蘇克素護河之瓜爾佳城渾河城之貝璉城
哲陳部之託摩和城皆入之遂越諸部襲尼堪外蘭於其都明人執外蘭致
太祖且約每歲餽銀八百兩通和好十五年

太祖命巴圖魯額亦都取哲陳之二城十六年又克完顏部滿洲五部悉略
定遂將與海西部爭雄矣

太祖又遣兵收服長白之鴨綠江部於是遠近益怖知

太祖之志不小遂協力而圖我二十一年呼倫之四部蒙古之科爾沁錫伯卦勒察三部及長白所屬之珠舍里訥殷二部兵數凡三萬分三路來侵太祖諭將士曰烏合之眾其心不一殪其前鋒必退乘之必大勝至古呼山據險而陣葉赫貝勒布齋先眾陷陣馬觸木而踣我兵斬之敵軍遂潰斬首四千餘級禽烏拉貝勒滿泰弟布占泰軍威大震是年滅珠舍里訥殷二部二十五年呼倫四部遣使修舊好葉赫納其女弟於

太祖初哈達為四部盟主以其權勢漸為葉赫所奪乞援於明不許於是質其三子來告急

太祖以兵二千助之葉赫懼運謀反間哈達執我將以索其質子

太祖怒出師盡拔其城寨時萬厯二十七年九月也明遣使來爭

太祖復立哈達貝勒後哈達見明不可恃乞降於是明塞亡南關

太祖平輝發在萬厯三十五年至四十一年又征烏拉先是布占泰被禽釋歸即為國主無何其所屬瓦爾喀部來歸布占泰出兵阻之四十年又背盟侵窩集部之呼爾哈路

太祖親臨烏拉河又戰於呼爾哈城大勝布占泰遁走葉赫烏拉遂亡進征葉赫葉赫訴明日呼倫四國滿洲已取其三今復侵我終必及明

太祖下七城十九寨旋師至七年後方滅葉赫於是明塞復亡北關

第二章 伐明拓地

太祖高皇帝天命元年受覆育列國英名尊號國號滿洲時明萬曆四十有四年

太祖年五十有八海西四國平其三惟葉赫恃明援不降

太祖謀先挫明繼及葉赫按兵休士二載三年興師伐明以七大恨誓告天地堂子步騎二萬發興京圍撫順降其游擊李永芳夷其城而還秋復克清河城斬明副將鄒儲賢四年正月征葉赫二月遼東經略楊鎬聚兵二十萬屯瀋陽四路來攻總兵杜松出中路之左由渾河入撫順李如柏出中路之右由清河入鴉鶻關馬林出北路至開原合葉赫兵二萬入三岔口劉綎出南路會朝鮮兵二萬入寬甸口向滿洲國都各路兵六萬全軍號四十七萬太祖集各路之兵於城議以南北二路險大兵必由中路破之則他路不足

惠明將杜松恃勇輕敵欲立首功先期於二十九日出撫順關屯薩爾滸山
自引兵二萬圍界藩城距赫圖阿喇城百二十里

太祖命諸貝勒以二旗之兵援界藩而自統六旗之兵攻薩爾滸山大破明
兵杜松中矢死明北路聞之急據尚間厓

太祖馳擊大勝復破別軍於菲芬山葉赫兵於中途遁歸楊鎬告警於李如
柏劉綎令勿進軍而綎軍已深入距都城五十里力戰而死他軍在富察者
亦大敗所部朝鮮兵五千皆降

大清之興實肇於此六月拔開原

在瀋陽北二百五十里

七月下鐵嶺

在開原南六十里

八月

滅葉赫於是同文之國盡歸滿洲大啟疆域起朝鮮訖黑龍江

天命五年明帝奪楊鎬職以熊廷弼代神宗崩光宗嗣三旬崩熹宗嗣納譏
言熊廷弼辭職以袁應泰為經略應泰通吏務而無將才此時西洋葡萄
牙人助明遣二百人送巨礮至京六年我大軍攻瀋陽城破明兵七萬斬總兵
賀世賢等拔其城擊遼陽之援兵於渾河斬總兵陳策等明兵多溺死

太祖議曰瀋陽已拔宜乘勢長驅取遼陽袁應泰聞瀋陽已失引水灌城濠

沿陴列火器守備頗嚴

太祖先破其逆擊之軍繼塞城東水口洩城西水口遂奪西城一面城兵列炬防守戰至旦城全陷袁應泰督戰城樓佩印焚死於是遼河以東之堡寨營驛及海蓋金復耀諸州大小七十餘城俱下

太祖以遼陽為要害因徙都焉

明熊廷弼復出為經略建三方布置之策設巡撫於廣甯與登萊而自居山海關以節制之廣甯巡撫王化貞先部署軍事不奉廷弼命且言願得兵六萬一舉蕩平之時廣甯駐兵號十四萬廷弼兵無幾徒擁經略之名守關而已兵部尚書張鶴鳴深信化貞將代廷弼七年正月

太祖渡遼河破西平堡復破廣甯援兵追至平陽橋會廣甯城中有通款於我者化貞計不知所出單騎棄城走至大凌河遇廷弼化貞哭廷弼笑且憤以已所將五千人令殿護難民數十萬入關

太祖入廣甯城錦州大小凌河松山杏山等四十餘城皆降又攻義州城取之二月還遼陽留諸貝勒守廣甯三月築城於遼陽東五里太子河邊名曰

東京

明以大學士孫承宗經略薊遼令袁崇煥築甯遠城且命諸將守錦州大小凌河等諸城幾復遼河以西之地魏忠賢之徒排去承宗以高第代高第倡言關外城當撤悉棄錦州大小凌河諸城惟袁崇煥在甯遠城不奉命天命十年

太祖復遼都瀋陽

天府

又下旅順口十一年

太祖大舉攻甯遠城越城五里橫山海關大路而陣崇煥固守命閩卒發西洋巨礮一發傷數百人滿洲兵再攻不能克遂解圍還瀋陽

太祖自用兵以來百戰百勝惟以甯遠城不下不懌是年八月崩

聖壽六十有八

太祖皇帝肇興東土英武天縱地不逾數千里眾不滿數萬父子兄弟戮力同心既定諸部破明兵取遼瀋遐邇懷畏遂建尊號造國書立兵制設官屬重民事締造伊始而治具畢恢屹然建萬世不拔之基

帝每有征伐與諸貝勒適野而謀上馬而傳令上下等威不甚異以五大臣

議政十大臣理事無留獄無壅情令簡而速故事無不舉臨敵七旗卻走一旗拒戰即以七旗佐領之丁給一旗一旗卻走七旗拒戰亦如之一旗之中半走半戰者亦如之罪雖親而不貸功雖疏而不遺令信而必故戰無不克興京內城居宗室勳戚外城居宿衛親兵萬餘此外遠近十餘萬戶散處遼河東西無事耕獵有事徵調人自為兵人自為饒故用無不給 聖武布昭所向克捷雖曰天命亦人事然也

天命之朝時勳臣有費英東何和哩額亦都尼爾漢安費揚古為五大臣太祖之取撫順也明兵來援投石飛火諸軍欲退費英東大呼麾軍猛進卒破之

太祖拊髀歎曰萬人敵也額亦都起自卑微鼓勇殫力凡攻城略地皆奮身先登多立功績尼爾漢雅爾古人也因來歸

太祖養之為子從征伐屢建奇勳何和哩安費揚古皆一等大臣書所謂熊羆之士不二心之臣保乂王家此其最著者

第三章 三次伐明

太宗文皇帝

太祖第八子國中稱四貝勒母葉赫國王女也

太祖崩大貝勒代善第二子合諸貝勒請

太宗嗣位

太宗固辭眾堅請然後定改元天聰明甯遠巡撫袁崇煥聞

太宗即位遣使來賀且欲修好

太宗答書言劃山海關各為國非不可和時方有事於朝鮮崇煥陽雖議和陰圖恢復舊壘和議卒不成會大兵征朝鮮凱旋五月攻明取大凌河城進圍錦州至甯遠崇煥在城中副將等背城據濠列火器防戰遂收兵歸自太祖起兵明望風而潰無敢議戰守者至崇煥始昌言拒戰而見忘於魏忠賢之黨尋辭職及明誅忠賢復出督師時天聰二年也崇煥疑總兵毛文龍通於我殺之時文龍領水軍在遼東海島常為滿洲患被害後所部漸散天聰三年十月

太宗大舉伐明以蒙古兵為嚮導會諸將於喀喇沁部之青城頒軍略左翼

克龍井關右翼克大安口攻入邊牆合軍攻遵化城克之乘勢逼燕京

太宗營城北土城關之東兩翼兵營其東北明總兵滿桂等駐得勝門外袁崇煥與錦州總兵祖大壽來援營沙窩門外明帝信反間之言下崇煥獄祖大壽懼引兵奔出關十二月

太宗破滿桂兵桂戰死為議和書分置德勝安定門外遂移軍略薊州而東四年正月克永平遷安灤州二月班師歸瀋陽明馬世龍統各路兵二十萬與孫承宗關門之軍相應祖大壽一軍為承宗招回五月十日攻灤州二貝勒阿敏等按兵不援並棄永平等地遁歸

太宗大怒治阿敏罪幽禁之

天聰五年倣荷蘭式鑄大礮令漢軍演習火器八月復攻大凌河時承宗已復關內四城又略關外舊壘修築大凌河城將奏功矣滿兵四面圍之分軍以絕錦州之援總兵吳襄宋偉等來援大凌河越小凌河而陣

太宗分軍為二右翼衛宋偉營左翼趨吳襄營破之大凌河援絕糧盡總兵祖大壽出降仍毀其城八年七月

太宗復伐明駐營宣化府城之東南縱兵略近郊又侵山西各州縣以擾腹
地為罷明之策是年以瀋陽為盛京以赫圖阿喇城為興京

天聰九年貝勒多爾袞

太祖第十四子

收察哈爾部得其傳國璽自朔州入甯武

關略代忻應崞四州十年四月改元崇德定國號曰大清以當時國運日隆
人新自元裔察哈爾得傳國璽也是年欲有事於朝鮮為明所牽制秋命武
英郡王阿濟格太祖第十一子等伐明自獨石口入居庸拔昌平迫燕京遂克十
二城俘人畜十八萬

崇德三年九月睿親王多爾袞克勤郡王岳託等兩路伐明會於通州至涿
州分八道一沿山一沿運河六道並進明兵不能抗真定廣平順德大名諸
府悉下兵至山東臨清州渡運河破濟南執德王凡下五十餘城獲人口四
十六萬

六年四月多爾袞凱旋

太宗謂曰大軍屢入塞而不獲明寸土者以山海關為阻故也欲取關必先
取關外四城命多爾袞等攻錦州多爾袞不力戰